

Láhka

boazoáiddiid áidumis ja bajásdoallamis sihke eará doaibmabijuin bohccuid hehtten dihte beassamis nuppi riikii Norggain dahkkojuvvon soahpamuša láhkaásahansuorgái gullevaš mearrádusaid fápmuibidjamis ja soahpamuša heiveheamis

Riikkabeivviid mearrádusa mielde mearriduvvo:

1 §

Suoma dásseváldi ja Norgga gonagasriika dagaiga Kárásjogas juovlamánu 9. beaivve 2014 soahpamuša boazoáiddiid áidumis ja bajásdoallamis sihke eará doaibmabijuin hehtten dihte bohccuid beassamis nuppi riikii. Dán soahpamuša láhkaásahansuorgái gullevaš mearrádusat leat láhkan fámus dakkárin go Suopma lea daidda čatnasan.

2 §

Soahpamuša 4 artihkkala 5 momeantta vuodul Suopma bajásdoallá boazoáiddi maidái Boares Gáregasnjárgga ja rádjemearka 343 gaskasaš ossodagas. Dasa lassin Suopma sáhttá dán ossodagas ráhkadit ja bajásdoallat eará áiderusttegiid jodálmahttin dihte bohccuid máhcaheami Norgii.

3 §

Soahpamušas oaivvilduvvon doaibmaválddálaš eiseváldi lea boles.

Boles sáhttá fápmudit nuppi eiseválddi, eará oassebeali dahje olbmo dahkat soahpamušas daddjojuvvon doaibmabidjobarguid, dego Norggas bohtán bohccuid čohkkema ja máhcaheami fas Norgii.

4 §

Soahpamuša eará mearrádusaid fápmuibidjamis ja dán lága fápmuibohtimis mearriduvvo stáhtarádi ášahusa vuodul.

Helssegis skábmamánu 18 beaivve 2016

Dásseválddi Presideanta

Sauli Niinistö

Vuoigatvuohta- ja bargoministtar Jari Lindstöm